

UNIVERZITET U SARAJEVU
STOMATOLOŠKI FAKULTET
SA KLINIKAMA SARAJEVO

Na osnovu člana 78. do 86. Zakona o visokom obrazovanju ("Službene novine Kantona Sarajevo" broj: 33/17), a u skladu sa Statutom Univerziteta u Sarajevu Stomatološki fakultet sa klinikama raspisuje:

OBAVIJEST O PRVOM UPISNOM ROKU
za upis studenata u prvu godinu Integrisanog studija I i II ciklusa u akademskoj 2020/21
godini

PRVI PRIJAVNI ROK:
0d 05. 06. do 05 .07. 2020. godine

Fakultet upisuje 150 (stotinupedeset) kandidata i to:

- 40 (četrdeset) redovnih studenata, koje finansira Kanton Sarajevo,
- 110 (stotinudeset) samofinansirajućih studenata – redovan studij sa punim fondom nastave, a troškove studija snose sami studenti.

Prijave na Konkurs za upis u prvu godinu I ciklusa studija i integriranog studija vrše se isključivo online, putem informacionog sistema, www.upis.unsa.ba

Podaci o kandidatima koji su srednju školu završili u Kantonu Sarajevo prilikom registracije povezuju se sa podacima u sistemu EMIS.

Kandidati koji su završili srednju školu po međunarodnim programima u Kantonu Sarajevo dužni su skenirati i uploadovati dokumente koji se ne nalaze u sistemu EMIS.

Kandidati koji su srednju školu završili izvan Kantona Sarajevo, dužni su skenirati i uploadovati sljedeće originalne dokumente:

- svjedočanstva o završenim razredima srednje škole završene u Bosni i Hercegovini u četvorogodišnjem trajanju odnosno odgovarajuće priznate dokumente za kandidate koji srednju školu nisu završili u Bosni i Hercegovini (ukoliko su dokumenti u postupku ekvivalencije, prilaže se potvrda kao dokaz da je postupak ekvivalencije u toku),
- diplomu o završenoj srednjoj školi,
- izvod iz matične knjige rođenih,
- uvjerenje o državljanstvu,
- dokumente relevantne za utvrđivanje broja bodova po kriterijima, kao i dokumente relevantne za dokazivanje statusa pripadnosti kategoriji djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja.

U toku jednog prijavnog roka kandidatima će biti omogućeno tri puta mijenjati studijski program.

Prijave podnesene putem informacionog sistema eUNSA poslije roka utvrđenog Konkursom kao i nepotpune prijave, neće se uzimati u razmatranje.

Rangiranje kandidata i prijem studenata u prvu godinu studija vršit će se u zavisnosti od broja bodova koje kandidat osvoji na osnovu:

- općeg uspjeha,
- uspjeha iz maternjeg jezika i predmeta značajnih za odgovarajući studij: Biologija, Fizika i Hemija,
- rezultata ostvarenih na takmičenjima iz predmeta relevantnih za određeni studij: Biologija, Fizika i Hemija,
- odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja.

Kandidati iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja oslobođeni su plaćanja troškova upisnine i školarine.

Pravo učešća na Konkursu pod jednakim uvjetima imaju:

- državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini;
- kandidati koji su srednju školu završili izvan Bosne i Hercegovine, a za koje je nakon postupka priznavanja odnosno ekvivalencije utvrđeno da imaju završeno adekvatno obrazovanje za nastavak školovanja;
- kandidati sa završenom četverogodišnjom srednjom školom po međunarodnim programima koji su odobreni od nadležnog ministarstva.

Izbor kandidata vršit će se na osnovu *Odluke o kriterijima i mjerilima za utvrđivanje redoslijeda prijema kandidata za upis u prvu godinu I ciklusa i integriranog studija na Univerzitetu u Sarajevu u studijskoj 2020/2021. godini*, koja je sastavni dio Konkursa, kao i pojedinačnih kriterija utvrđenih za vrednovanje ocjena iz predmeta relevantnih za odgovarajući studijski program, te vrednovanja rezultata prijemnih ispita ukoliko su predviđeni.

Preliminarna rang-lista svih primljenih i prijavljenih kandidata objavljuje se putem informacionog sistema eUNSA kao i na oglasnoj ploči/web stranici fakulteta/akademije (pod šifrom koju su kandidati dobili prilikom registracije) nakon što je verificira Komisija, najkasnije najkasnije dva dana nakon isteka roka za podnošenje prijave na odgovarajući prijavni rok Konkursa.

Na preliminarnu rang-listu kandidati imaju pravo prigovora u roku od tri dana od dana objave iste, o kojoj je Vijeće fakulteta/akademije obavezno donijeti odluku u roku od tri dana. Odluka vijeća po prigovoru je konačna. Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru.

Konačna rang-lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici fakulteta/akademije.

U roku od sedam dana od dana objave konačne rang-liste, kandidat koji je ostvario pravo na upis je obavezan dostaviti originale uploadovanih dokumenata fakultetu i izvršiti upis; u suprotnom smatra se da je odustao od upisa na studijski program za koji je aplicirao, a pravo upisa stiže sljedeći kandidat sa konačne rang-liste koji je ispunio uvjete za upis, do popunjavanja odobrene kvote.

Nakon isteka roka od sedam dana od objave, fakultet putem informacionog sistema eUNSA kao i na oglasnoj ploči/web stranici fakulteta objavljuje revidiranu konačnu rang listu kandidata, a pravo upisa u narednih pet dana stižu sljedeći kandidati sa revidirane konačne rang-liste koji su ispunili uvjete za upis.

Kandidati, nakon objavljene rang liste, a koji imaju pravo upisa u I (prvi) semestar studijske 2020/21 godine bit će naknadno obavješteni o terminu upisa.



DEKAN
Prof. dr. sci. Muhamed Ajanović